

Comunicado público da Revolta de Mulleres na Igrexa.

Con raiba e dor, indignación e noxo, as persoas que formamos parte da Revolta das Mulleres na Igrexa recibimos a noticia dunha denuncia de abuso sexual a unha menor por parte dun sacerdote da diocese de Lugo, España.

Sen dúbida, **manifestamos noso apoio á menor e o seu entorno**: familia e amizades, en especial aos rapaces e rapazas pertencentes a grupos de xoves cristiáns, que están vivindo unha situación que para nada é querida por Deus, todo amor e coidado.

Valoramos positivamente o comunicado realizado polo Obispado de Lugo ese mesmo día e agradecemos a rapidez da súa resposta. Se ben, esiximos que se inicie una investigación eclesiástica exhaustiva e transparente que, paralelamente á investigación policial e xudicial, permita esclarecer os feitos, establecer responsabilidades e garantir xustiza e reparación.

Á luz desta triste noticia tamén queremos compartir con toda a comunidade eclesial e social as seguintes reflexións:

- **A violencia contra as mulleres non son feitos illados**, son froito dunha **coxuntura estrutural** e simbólica que a sostén e a fai posible. Demasiadas veces vemos como a primeira reacción é o silencio e o agochamento, favorecidos por dinámicas de poder que a naturalizan, privilexiando a reputación institucional por riba da vida e a dignidade das persoas que a padecen.
- **O abuso sexual non so destrúe a quen o sofre**: desgarra o tecido comunitario, rompe a confianza nas persoas, e deixa a quen a padece sumida en fonda crise humana e espiritual. Cando estas persoas son novas, aínda en proceso de maduración persoal, as consecuencias son devastadoras. É urxente unha **conversión radical** na Igrexa. A comunidade é a base do noso ser cristián. Cando se produce unha situación de abuso e violencia estase a fracturar o espazo de fe e seguridade das vítimas, das persoas próximas a elas e de toda a sociedade.

Por iso, porque o principio comunitario é a nosa raiz, queremos facer caer na conta a Igrexa de que **as medidas puntuais ou as respostas á defensiva non son a solución**. É necesario un novo xeito de reaccionar: **escoitar ás vítimas, reparar o dano e transformar a totalidade das estruturas que fixeron posible o abuso, camiñando cara unha sinodalidade real e efectiva**.

- **É urxente rematar coa cultura do abuso** —sostida polo autoritarismo, o encubrimento e a impunidade— e implementar decididamente unha **cultura do coidado**, que poña no centro a dignidade humana, a verdade e a misericordia. O coidado ten que se converter na práctica eclesial por excelencia en todos os ámbitos se é que queremos transformar o mundo en Reino de Deus, un Reino de paz e xustiza que ten que transparentarse nas prácticas eclesiais, nas relaciónes, nas comunidades e nas estruturas.

Coma crentes e coma mulleres comprometidas coa xustiza e a dignidade, **pedimos**

- **que a Igrexa actúe con valentía evanxélica**. Que mire de fronte a dor. **Que renuncie ao silencio cómplice e á impunidade**, e que se poña sen reservas, do lado de quen sofre.
- **que se abra o proceso canónico pertinente** no caso que nos ocupa e que **se manteñan as medidas cautelares** anunciadas o 17.06.2025,

- que todos los bispos do estado español implementen nas súas doiceses as indicacións marcadas na Guía para parroquias **Por una vida libre de violencias contra las mujeres**, elaborada pola Pastoral para el Desarrollo Humano Integral da Diocese de Madrid, (<https://www.pastoralsocialmadrid.com/wp-content/uploads/2024/11/MUJ-Guia-para-parroquias-241002.-Por-una-vida-libre-de-violencia-contra-las-mujeres.pdf>)
- que o Bispado de Lugo convoque unha **Mesa Diocesana de Diálogo sobre Abusos** na que se aborde esta cuestión no seo da nosa comunidade e se nos faga partícipes xunto con outros irmáns e irmás dispostas a afrontar esta realidade coa a **valentía e transparencia** que precisa.

Porque outra Igrexa é posible e necesaria, e non haberá redención sen verdade nin xustiza!

Asinan este comunicado:

Revolta de Mulleres na Igrexa de Galicia
Asoc. Mulleres Cristiás Galegas Exeria

Apoian: